

三才圖會

三才圖會

草木十二卷

花卉類

雲間允明父王思義續集

牡丹

芍藥

菊

蘭

荷

水仙

玉蘭

茉莉

海棠

山茶

桂花

杜鵑

紫薇

百合

玫瑰

瑞香

梔子

秋葵

枸杞

紫荊花

山丹

辛夷

金鳳花

石菖蒲

雞冠花

剪春羅

薔薇

月季花

凌霄花

茶梅

芭蕉

萱花

芙蓉

金盞花

老少年

玉簪花

木香花

子午花

茶蘼

錦帶花

麥李花

寶相花

繡毬花

鶯粟花

纏枝牡丹

金燈花

金絲桃

秋海棠

西番菊

刺桐花

秋牡丹

石菊

萬年青

渥丹花

長春菊

牡丹



牡丹

賈耽花譜云牡丹唐人謂之木芍藥歐公牡丹譜有九十餘種又易州進奉十九種今時則名類又多矣坡云看牡丹法當在午前過午則離披矣此花分接當於秋九月移植當於開花時舒元輿有牡丹賦丘瓊有牡丹榮辱志

藥

芍



芍藥

芍藥生中岳川谷及丘陵今處處有之淮南者勝春生紅
芽作叢莖上三枝五葉似牡丹而狹長高一二尺夏開花
有紅白紫數種子似牡丹子而小秋時采根根亦有赤白
二色崔豹古今注云芍藥有二種有草芍藥木芍藥木者
花大而色深俗呼爲牡丹非也一名何離一名白木一名
餘容一名犁食一名鮮倉一名鋌

菊 花



菊花

唐本草菊花一名女節一名女華劉蒙菊譜三十五品又三十二品范石湖菊譜七十二種今不止一種甘菊莖紫氣香味甘花深黃單葉蒂有粥膜衣者爲真取花作糕并臠烹飲佳又有鴛鴦菊五月菊六月菊陸龜蒙有杞菊賦曾端伯以爲佳友

蘭



蘭

蘭一名玉整花劍脊細長花紫者乃是福建真品江西蘭葉短而濶花白又有珍珠蘭大本方花若蘭丫蘭丫蘭出廣東冬蘭紅蘭挂蘭挂蘭一名風蘭不土而生小籃貯挂樹上人稱仙草細花微香與蘭山谷曰一幹一花而不餘者為蘭一幹數花而香不足者為蕙此言興蘭也廣志云蕙綠葉紫花魏武帝以為香燒之澤蘭一名虎蒲疏澤蘭廣而長節中赤高四五尺

荷




荷

荷一名菡萏一名水芙蓉渠有千葉黃千葉白千葉紅有紅邊白心有馬蹄蓮子多而大有異荷並佳種華山山頂有池生千葉蓮服之羽化鄭谷詩所謂太華峰頭玉井蓮是也南海有睡蓮曉起朝日夜低入水歲有水則荷早發曾端伯以爲淨友又有金蓮鍊線蓮白花太乙蓮花甚難開本如芭蕉葉如芋亦名觀音芋青蓮或云卽鍊線蓮晉佛圖澄取鉢盛水燒香咒之鉢中生青蓮花光色耀人四五

月內開

水仙




水仙

水仙單葉者名金盞銀臺心深黃有千葉者花片捲縐密
蹙下輕黃上淡白此真水仙其色白香麗可愛山谷詩曰
何時持上紫宸殿乞與官梅定等差其見重如此華陰湯
夷服花八石得爲水仙名河伯余家香雪林常時數畝毋
花時芳氣撩人望之如白地明光錦余因戲自謂水仙

士

玉蘭花



玉蘭花

玉蘭花玉蘭木高數尺經冬而苞至二三月苞脫而花花似辛夷但紅白殊耳春分俱用辛夷按與過枝其花以油與麪煎之可食

莉

茉



茉莉

茉莉廣中與福建有黃與紅者作籬障浙直人藏可二三年只畏東風耳東坡以爲暗弱曾端伯以爲雅友格物叢話茉莉花葉面微皺無刻缺性喜地暖南人畦蔣之開時在夏秋間六七月始盛

海棠



海棠

海棠河南者佳李贄皇花水記云凡今草木以海爲名者
悉從海外來此棠以海名也有三種曰貼梗曰西府曰垂
絲爲蜀西州盛稱故有西府之名彭淵材五恨一謂海棠
無香惟昌州獨香子美母名海棠故集中無海棠詩明皇
以此太真太真卯酉未醒扶掖而至明皇笑曰此是海棠
睡未足耳欲海棠花鮮而盛宜於冬至日蚤以糟水洗其
根下鐵梗亦然牡丹榮辱志重葉海棠曰花命婦多葉海
棠曰花戚里賈耽以爲花中神仙曾端伯以爲名友

茶

山



山茶

山茶有數種寶珠雲茶石榴躑躅海榴真珠串珠正官粉
寨宮粉一捻紅照殿紅千葉紅千葉白葉各不同又有如
磬口而粉紅者十月開二月方已有大如碗紅如血中心
滿如鶴頂者來自雲南名曰滇茶有黃紅白粉四色爲心
而大紅爲盤名曰瑪瑙花極可愛浙之溫郡有白寶珠九
月發花香清可嗅有蜀花下面一層有盤楊妃有寶珠單
葉二種淺深二色有南山茶葩萼大倍中州結實如梨大
如拳秀山有山茶花如木芍藥

桂 花



桂花

桂樹木也數品或白或黃或紅或紫黃者能著子此花四出或五出或重臺徑二三分圓瓣又有一種四季著花亦有每月一開者亦有春而著花者香皆不減於秋陸佃云木葉皆一脊惟桂三脊博羅有桂可以釀酒桂蠹形如小鼠偷食蜂蜜人以入口卽化爲蜜甚甘香尉佗曾獻漢文帝

杜鵑花



杜鵑

杜鵑一名山石榴一名山躑躅一名映山紅其性畏熱喜陰不畏霜雪自初夏至深秋宜日以河水灌之一種山鵪花大葉稀先開一月一名石岩然實非也石岩先敷葉後著花其色丹如血杜鵑先著花後敷葉色差淡潤州鶴林寺有杜鵑花寺僧相傳云正元中外國僧自天台鉢中以藥養其本來植此寺人或見女子紅裳佳麗遊於花下俗傳花神


紫 薇 花



紫薇花

紫薇俗名百日紅有白薇粉薇藍薇俱用紫薇過枝俗名怕痒樹搔其皮則樹自動故名禁中多植此花取其耐久且爛熳可愛也格物總論紫薇花樹身光滑俗因號爲猴刺脫花瓣紫皺皴跗葇萼赤莖葉對生每一枝數穎一穎數花四五月開接續至六七月而止


百合



百合

百合有三種一名檀香百合子可烹或蒸食之益氣一名
山百合子可食花遲一月不甚香一名虎皮百合能殺人
不可食都波不知耕稼上多百合取其根以爲糧

玫瑰



玫瑰

玫瑰花甚香著壯宜不時分種方盛年久則槁花作糕佳
又有黃花者亦佳但不香耳

瑞香



瑞香花

瑞香有四種有粉紅者有白者有綠葉黃邊者名金邊有紫花者名紫丁香惟紫花者香甚不可翫可并呂大防有圖曾端伯以爲殊友

花 子 梔



梔子花

梔子一名越桃結子可染黃佛書有蒼蔔花卽梔子也一種花小而千葉出福建謂之水逸西陽雜俎諸花少六出惟梔花六出謝靈運目爲林蘭有賦曹端伯以爲禪友

葵

秋



秋葵

秋葵一名黃蜀葵說文黃葵常傾葉向日不令照其根虞
縈韓渥各有賦花將落以筋取浸菜油內治湯火瘡甚妙

杞

枸



枸杞

枸杞諸山中有之老本虬曲可愛結子紅甚點點若綴吳
中好事之家徃徃裝之盆爲几案間供玩其葉初萌采炙
點茶甚佳


紫荊花、



紫荆花

紫荆花春秋蓮斗樞曰玉衡星散爲荆爾雅翼云凡木心
圓荆心方其花碎而繁色淺紫一種白荆出吳興玉虛洞
後花白似雪邑人爭賞之又有一種茄花色者柔媚可愛

山 丹



山丹

山丹其花一葉百葉狀如繡毬深紅色一花四英四月開
花至八月尚爛熳又有四時開花者曰四季山丹

辛夷即木筆



辛夷卽木筆

辛夷生漢中川谷今處處有之木高數丈葉似柿而長正月二月生花似著毛小桃子色白帶紫花落無子至夏復開花初出如筆故北人呼爲木筆花又有一種枝葉並相類但歲一開花四月花落時有子如相思子或云都是一種經一二十年老者方結實耳其花開早晚亦隨南北節氣寒溫九月采實暴乾用一名辛矧一名侯桃一名房木

金 鳳 花



金鳳花

卽鳳仙

金鳳花俗名鳳仙花五色雙臺洒金或一本開二色花能解諸毒能墮胎張宛丘菊詩中呼爲菊婢

蒲 葛 石



菖蒲

菖蒲種於石者呼爲石菖蒲然瓦礫磁器內俱可栽宜多蓄黃梅水灌之其法春掙夏剪秋露冬藏掙者春分後掙去其黃葉梢也剪者四月十四日着根剪去舊葉方出而細也露者秋得露而蔥蒨也藏者霜降後以缸覆在地上不可容鼠入也

花冠雞



雞冠花

雞冠有紅白二色又有一枝上秀出五色者甚佳又有水紅者一名壽星雞冠卽矮脚雞冠亦有紅白二色或云卽玉樹後庭花也其葉甚肥可入饌

剪 春 羅



剪春羅

剪春羅花有五種春夏秋冬各以時名春夏二羅色黃紅不佳獨秋冬紅深色美亦在春時分種又一種色金黃美甚名金剪羅

薔

薇



三才圖會卷之草木十一

十八 矣

薔薇

薔薇一名牛勒一名牛棘一名刺紅一名薔靡種類不一
有大紅粉紅黃白四色花大如錢又一種白花名野薔薇
其花甚香或名號爲野客

月 季 花



月季

月季俗名月月紅有二種粉白色者甚奇雖雪中亦花色相甚妙凡花開後卽去其蒂勿令長大則花隨發無已


凌 霄 花



凌霄花

凌霄花卽紫葳也。生西海川谷及山陽。初作藤蔓，生依大木歲久，延引至巔，而有花。其花黃赤，夏中乃盛。隱居云：詩有苕之華，苕一名陵時。陵時乃是鼠尾草之別名。紫葳無陵時之名也。婦人食其花墮胎。

梅 茶



茶粉

茶梅有白與粉紅二種子出者單葉用接開十一月中花
如鵝眼錢開且耐久望之雅素

三才圖會卷之草木十二



三五二

芭蕉

南方草木狀云芭蕉有三種有羊角牛乳二名一種大如藕子長最下又有鳳尾鐵屑 以法生五月美女番蕉諸名其名甚其但不常開

萱花



萱花

萱花一名宜男一名忘憂一名綠芎有五六種一香萱又名黃萱又名金萱甚佳一密萱不時有花一秋萱秋著花冬不葉凋一綠萱有千葉及單葉者摘花晒乾或鮮俱可入湯

芙蓉



芙蓉

芙蓉八九月內開有拒霜之名一名木蓮一名木芙蓉楚
詞舉夫容於木末有大紅粉紅白三色又有醉芙蓉一日
之內花容三變由白而淡紅桃紅九子芙蓉一枝上開花
幾色一本上有九色魏文帝有芙蓉園括異志有芙蓉館
主芙蓉城

金 莖 花



金莖花

金莖花一名高良薑有紫白金黃二色如蛺蝶風過花飛
舞搖蕩婦人采之爲飾嗔曰不帶金莖花不得入仙家

老 少 年



老少年

老少年一名秋紅一名雁來紅有作詩曰翔雁南來塞草
秋未霜紅葉已先愁綠珠宴罷歸金谷七尺珊瑚夜不收

玉 簪 花



玉簪花

玉簪花一名白萼能消骨鯁不可着牙着牙則裂碎有紫黃二色紫者多黃者佳種不多有

木 香 花



木香花

木香有三種有黃大白紫心白又有青心者宜壓分行亦
活三花俱可作糕

子午花



子午花

夜落金錢一名子午花有銀錢黃錢百氏集徽多終不
又風流自不貧又能買三秋景難供九府輸

茶 藤 花



茶縻花

茶縻花藤身青莖多刺每一穎着三葉葉面光綠背翠多
缺刻青跗紅萼及開時變爲白其香微而清種此花者用
高架引之二三月間爛爛可觀又一種色黃似酒

開

錦帶花

錦帶花

開蓓蕾

可愛形

如小鈴

色粉紅

而嬌植


之屏籬

可折

供玩



麥李花
小而繁
紅甚麥
熟而實
可食



寶相花

寶相花較薔薇朵
大而千瓣塞心有
大紅粉色二種



繡毬花

繡毬作

花甚繁

簇成如

毬故以

名用八

仙花接

故枝易

生



鶯粟花



鶯粟八月內種喜疎而壯收子作腐
佳又有五色千葉者尤為可愛

纏枝牡丹



纏枝牡丹柔枝倚附而生此有牡丹態度其小
花開爛然亦有雅趣

金 燈 花

金燈花一名忽地笑有二種花開一簇五朵金燈色紅銀
燈色白



金

絲

桃

金絲桃花如桃而心有黃鬚鋪散花外若金絲莢亦以根

下劈開分種



秋海棠

秋海棠舊傳爲爛腸
草近日見人取梗去
皮煎糖霜吃頗清香
其花艷麗可愛



波斯菊

一名西番菊有中貴莠植普陀取子種出甚佳作花甚繁
而久其子落地即生仍復作花



刺 桐 花

刺桐花葉如野薔薇莖多刺花如玫瑰但不香耳



秋 牡 丹



秋牡丹遍地延蔓葉背牡丹花開淺紫黃心根生分種

石菊

石菊如落

陽花但千

葉可愛四

時有花



萬年青

萬年青葉

似芭蕉隆

冬不衰以

其多壽故

名



渥丹

渥丹四月開
花莖葉如百
合其色如丹
故名



長春菊

長春菊俗名回回菊
四時有花種於籬落
間亦白可愛

